

**LAUGA AFIGA I LE PALEMIA TUILAEPA S. MALIELEGAOI
FAAFETAI MO LE FAIGA PALOTA AOA O MA TOFIA MINISITA FOU
MAOTA FONO I MULINUU, ASO FARAILE, 18 MATI 2011.**

O pa'ia o Tiafau, le Malae o le Faautugatagi a Samoa, o paia ta'oto'oto ma o Vai e lē Gagase. Lea ua atoa i tumu pa'ia sauo'o auā pa'ia faale Talalelei, o pa'ia faale Malo ma pa'ia faale Aganuu.

Ua susū Lau Susuga i le Ta'ita'i o le Sauniga, faapea le pa'ia o faafeagaiga nai fata faitaulaga e fia. O lea sa e momoli le vi'iga ma le faafetai a Samoa atoa i luma o lo tatou Tapa'au Sili. Ua e momoli mai foi le finagalo o Le Atua, se'i utufia vāima'a ma vāipapa faasūsuaगतā. O fataloa nā o le Talalelei ua mautū atu i lou tou vasega o Sā Levī.

Ua pa'ia Tiafau, ua afio Lana Afioga Mamalu i le Ao o le Malo ma Lana Masiofo. Afio le Sui o le Fono a Sui Tofia ma Lana Masiofo. Lau Afioga i le Faamasino Sili, le Fofoga Fetalai ma le Mamalu o Sui Usufono o le Fono Faitulafono. Ua afifio fo'i Aiga ma a latou Tama, o Tama ma Aiga faapea le Usoga a Pule ma Tumua.

O pa'ia nā ua tū māti'e ai le asō,.....o pa'ia ua popo a o se ala o'o. Faata'alolo pa'ia sausaugatā ia iā Pule ma Tumua, Faleupolu o Tofiga faapea Tulatoa o Aiga.

A o lenei taeao, o le taeao manino ma le taeao toto'a, lea ua nōfoia 'auoloolo, ua 'aualiitia foi maota e pei o le upu i le Paepae-Valu o le Tagaloama Ua atoa foi le Faga i Laua ina ua tuana'i la tatou faiga palota. Avea lenei avanoa ou te momoli atu ai le faafetai ma le faamalo i lo tatou atunuu atoa, o lau tou tofā faatamali'i ma le uta faafaleupolu, aemaise lou tou silasila i le Atua, ua faai'u ai la tatou faiga filifiliga i le manuia ma le filemu.

A ua noatia pea fo'i a'u i le fia momoli o le faafetai i lo tatou atunuu, aua ua e topule ma ua e filifili ina ia toe papale mai lenei Vaega Faaupufai, le Vaega e Puipuia Aiā Tatau a Tagata, le HRPP, e toe tula'i i le foe mo le isi lima tausaga.....ua faaalua manino ai lou tou faatuatua ina pea o i matou, o a outou auuana, e asuasua vaimanino e tali i mana'oga o le atunuu. Ua outou Tagaloatusi a e matou To'o ma Taga'i i le Ata. A outou saunoa, matou te faalologo; a outou fetalai, matou te ususita'i. O le mea lea, matou te talia lau puletō i le agaga mauualalo.....ma ua matou patipatia mālō e faapei ona pati ta'oto le Fe'epō.....e taua le pati, a e sili ona taua le auala e faatino ai le pati....matou te pati lava ma le loto mauualalo.

Ou te fia faafetai foi i le Itu Agai, le Vaega Faaupufai a le Tautua Samoa, i lou tou papale manumālō mai, lea ua a'e mālō i fanua lou tou Sā na saili mafua, o le Sā foi na fauao, faupō. Lau Afioga Va'ai ma lau Afioga Palusalua, ma lo lua Sā tautailua, faamalo. O lea ua faato'ā toe maua se Itu Agai, ma e lē taumate ua faafiafiaina fo'i lo tatou atunuu aua o lenei ua atoa tino o le Maota.....ua faafeagai sega'ula. Ua faafiafiaina fo'i a'u, o le Ta'ita'i o le Malo, ua i ai se Itu e agaia le Malo. Ia manatua, ia lē tau ina agai, a ia agai malosi. A outou faafofoga mai foi ua i ai ni fuafuaga a le Malo e faatua manuia ai le atunuu atoa, ia, e lē tau agaia na mea, ma 'aua foi tou te soona leotetele ma tou soona 'ava'avau.

A e ui ina ou lagona le fiafia ua i ai se Itu Agai, e filogia lava lo'u fiafia i sina polepolega.....ina ne'i lē tumau lou tou maopoopoga. E to'aitiiti lava lau tou Vaega, a ua matauina pea i futia ua sola lo outou fevaevae'i. O se tasi o mafuaaga autu, ona o le toatele o outou e agava'a uma lava i le tulaga Ta'ita'i.

O le mea lea, e ao ai lava ona ou faaleo atu lenei polepolega meamanū o loo o tatou i ai i le fana'elupe o lenei **paeaiga fou**. Atoa ma lenei, ina ne'i tupu mai ni pefea, **ona outou tau foi lea o le pua ma lafo mai**, o a'u ma le Malo ua mafua ai ona outou ta'ape'ape a e matou gūgū lava, ma lē faufautua atu. O le upu moni, e lē na o le HRPP e faia tonu o le Malo, a o tatou uma,..... e taua tele lou tou sao fa'a-agai. O le mea lea, taumafai e fa'amaopopo mai lau tou itū ina ia tatou galulue faatasi,..... **o le Sā o Samoa e fautele**.

A o le'i amataina tualumaga o le Palemene o lenei paeaiga, **e lagona pea i le tino le mamafa o le toto**.....mafua i se ā lenei **lagona mafanafana?** Talu ai, ona o ta'ita'i o le Itu Agai ua tula'i mai nei, e ui ina fagogota i ā'au mamao, o **tama tuai moni lava** o le HRPP.....po o, o tama-fanau na fanaua ma fa'afaiilele atu i'inei. Se ā le uiga o lea mea? E ta'u manino mai ai, **ua matua le HRPP**, ma ua fai lana fanau.....O uiga o se tamā lelei.....e tu'u pea le fanau e fai lo latou saolotoga, ina ne'i i ai so latou manatu 'ai ua lē amanaia ā latou aiā tatau. Peitai, **e matala pea le faitotoa**.

O le asō e faalauiloa ai Minisita fou o le Kapeneta, ma o le Sā o le HRPP na fafau mai lava i le tausaga e 1982 ina ua faato'ā tulai mai e ta'ita'iina le Malo mo le ulua'i taimi. O le Sā ua atoa i ai **tufuga fauva'a** o le atunuu.....**le Falefā o le Aiga Sā Le Vaiolō: o Fuafuatutū ma Fuafuanonofo; o Fuafuamea ma Anoanomea**. O le Sā e agava'a i taimi o le malū ma taimi o le souā; i le tau o le māninoa po o le puaoa; i le toto'a ma taimi o afā. Ma ua fa'auva'aina foi i le auva'a ua faamanuiaina i tomai eseese.....tomai faale lalolagi atoa ma faamanuiaga o tomai faale lagi: faafomai, faiaoga, loa, su'etusi, saienisi, fuafanua, inisia, tufuga faufale, faafaatoaga, faatalavai, failauga o le atunuu, a'oa'o ma tiakono toeaina, e atagia ai le soifua faale agaga.

E to'atolusefulu ma le ono le aofai o le auva'a ma e naunau uma e togi sa latou ma'a e faaoga ai nei tomai mai le Atua. A e pagā, e 'uti'uti tofi o le Kapeneta peitai, e i ai tofiga o Minisita Lagolago e pei ona faatulafonoina e tua i ai le Malo ma faaoga tatau ai taleni uma o lo o ia i latou.

O tofiga o mea nei o Minisita, e lavelave faavae e tofofi ai,..... i le paleni e tatau ona taoto ai, e fā'i o alii a o tamaitai. O le paleni foi o i latou e tuai ma i latou e fou,.....ma fua foi i le taatiaga o itumalo o le atunuu i Tumua ma Puleono i Salafai, le paleni o itumalo ua āu ma itumalo o lo o taputapua'i lava, le tāua o le fesuisuia'i o galuega e faasinomia i ai, atoa ma isi lava so'otaga faapitoa, **e lē mafai ona laaloa ai le vaai**. O le lavelavetū lena e auala mai ai le musumusuga a le Agaga Paia o le Atua, ma faatino ai le mau tau'ave pea, **o tōfiga uma e mai le Atua**.

I le paeaiga na mavae atu nei, na **faama'alo i'uofe ai** le taofi, e mo'omia le **galulue faapei o le aeto ua faafouina le malosi**. Ia lē na o le faitau i lipoti, a o le savali e vaai le faatinoga o galuega. O le faanaunaga, ia sili atu mea e fai e le nofoaiga lenei nai lo le nofoaiga talu ai. Ma

o le lu'i lena e onomea ona faataoto i le amataga ina ia taula'i i ai le vaai pe a o'o mai taimi o le vaivai.....o i'inā foi e tupu a'e ai le fia galue pea ma galue pea.

Ma o suafa nei o Minisita ma Matagaluega umia: (Ia manuia foi o outou tofiga)

1. Hon. Tuilaepa Lupesoliai Sailele Malielegaoi

Prime Minister: In Charge of: :**Palemia:** Matagaluega i lalo o lana vaavaaiga:

- Ministry of the Prime Minister : Matagaluega o le Palemia (e (inclusive of Cabinet Affairs and Immigration) aofia ai le Ofisa o le Kapeneta ma Mataupu tau Femalagaaiga)
- Ministry of Foreign Affairs and Trade : Matagaluega o le Va-i-Fafo ma Fefaatauaiga
- Office of the Attorney General : Ofisa o le Loia Sili a le Malo
- Samoa Tourism Authority : Pulega o Tagata Asiasi Maimoa mai Fafo
- Samoa Land Corporation : Faalapotopotoga o Eleele a le Malo
- Public Service Commission : Komisi o Galuega a le Malo

Other Responsibilities

Isi Matafaioi

- Executive Council : Fono Faatonu
- Honours and Awards : Faailoga Taualoa
- Totalisator Agency Board (TAB) : Komiti o Petipetiga
- Non Government Organisations : Faalapotopotoga e le o i lalo o le Malo
- Scholarship Committee : Komiti o Sikolasipi
- Remuneration Tribunal : Komisi Faapitoa o Totogi

2. Hon. Fonotoe Nuafesili Pierre Laufo

Deputy Prime Minister : **Sui Palemia**

In Charge of -	Matagaluega i lalo o lana Vaavaaiga
▪ Ministry of Commerce Industry and Labour	Matagaluega o Pisinisi, Alamanuia ma Leipa
▪ Legislative Assembly	Fono Aoaofaitulafono
▪ Audit Office	Ofisa o Pule ma Suetusi Sili
▪ Samoa Shipping Services & Pacific Forum Line	Kamupani Vaa a Samoa & PFL
▪ Polynesian Airlines	Kamupani Vaalele a le Polonesia

Other Responsibilities

Isi Matafaioi

Trade Negotiations – WTO,ACP/EC	Feutagaina faa-Fefaatauaiga
PACER. PICTA	WTO, ACP/EU. PACER, PICTA
Small Business Enterprise Centre	Pisinisi, Laiti
Consumer Protection	Puipuiga o Tagata Faatau

3. Hon. Tolofuaivalelei Falemoe Leiataua

In charge of:	Matagaluega i lalo o le vaavaaiga
▪ Ministry of Women, Community and Social Development	Matagaluega o Tina & Tamaitai Atinae o Nuu ma Afioaga ma Agafesootai
▪ Ombudsman Office	Komesina o Sulufaiga

Other Responsibilities

Isi Matafaioi

Village Mayors & Sui o le Malo	Pulenuu ma Sui o le Malo
	Komiti o le Faleula

4. Hon. Sala Fata Pinati

In charge of	Matagaluega i lalo o le vaavaaiga
--------------	-----------------------------------

- Ministry of Police & Prisons : Matagaluega o Leoleo ma Falepuipui
- Fire & Emergency Services : Auauanga o Tineimu ma Faalavelave Tutupu Faafuasei
- Other Responsibilities : Isi Matafaioi
- Juvenile Rehabilitation : Nofoga Faapitoa mo Tupulaga Talavou
- Robert Louis Stevenson Foundation :

5. **Hon. Manu'alesagalala Enokati Posala**

- In Charge: : Matagaluega i lalo o le vaavaaiga
- Ministry of Works, Transport and Infrastructure : Matagaluega o Galuega, Felauaiga ma Atinae Eeseese
- Samoa Water Authority : Pulega o le Suavai
- Electric Power Corporation : Faalapotopotoga o le Malosi Faaeletise
- Samoa Port Authority : Pulega o Uafu ma Taulaga
- Samoa Airport Authority : Pulega o Malae Vaalele
- Samoa Shipping Corporation : Faalapotopotoga o Vaa a Samoa
- Samoa Land Transport Authority : Faalapotopotoga o Felauaiga i le Laluelele
- Other Responsibilities : Isi Matafaioi
- Government Housing : Komiti o Fale a le Malo
- Civil Aviation : Vaalele Sivili

6. **Hon. Faamoetauloga Ulaitino Faale Tumaalii**

- In Charge of : Matagaluega i lalo o le vaavaaiga
- Ministry of Natural Resources and Environment : Matagaluega o Punaoa Faanatura ma le Siosiomaga
- Samoa Trust Estates Corporation: Faalapotopotoga Esetete Tausi o

- Samoa Sports & Facilities Authority : Pulega o Fale ma Malae Taalo o Samoa

Other Responsibilities

Isi Matafaioi

- | | | |
|---|---|---|
| National Parks, Recreation and Water Conservation | : | Eleele Faasaoina, Mataaga ma Suavai Faasaoina |
| National Disaster | : | Faalavelave Faafuasei Matuia o le Natura |
| Meteorology and Forestry PUMA | : | Vaaitau ma le Vaomatua PUMA |
| Scientific Research of Samoa (SROS) | : | Faalapotopotoga o Suesuega Faasaienisi |

7. Hon. Tuiloma Lameko

- | | | |
|---------------------------------------|---|---|
| In Charge of: | : | Matagaluega i lalo o le vaavaaiga |
| ▪ Ministry of Revenue (Customs & Tax) | : | Matagaluega o Tupe Maua (Tiute ma Lafoga) |
| ▪ Public Trust Office | : | Ofisa Tausi Mavaega |

Other Responsibilities

Isi Matafaioi

- | | | |
|--------------|---|------------------------|
| Liquor Board | : | Komiti o le Ava Malosi |
|--------------|---|------------------------|

8 Hon. Tuitama Talalelei Tuitama

- | | | |
|------------------------------|---|---|
| In Charge of: | : | <u>Matagaluega i lalo o le vaavaaiga</u> |
| ▪ Ministry of Health | : | Matagaluega o le Soifua Maloloina |
| ▪ National Health Services | : | Vaega o Auaunaga Faale-Soifua Maloloina ale Atunu'u |
| ▪ National Kidney Foundation | : | Faalapotopotoga Faavae Tau Fatugao a Samoa |

Other Responsibilities

Isi Matafaioi

- | | | |
|--------------------------------|---|----------------------------------|
| Oceania University of Medicine | : | Iunivesite Faafomai o le Oceania |
|--------------------------------|---|----------------------------------|

District Hospitals & Health Centre : Falemai Faaitumalo & Ofisa o le
Soifua Maloloina

Women Health Committee : Komiti Tumama a Tina

9. Hon. Tuisugaletaua Sofara Aveau

In Charge of: : Matagaluega i lalo o le vaavaaiga

▪ Ministry of Communication : Matagaluega o Fesootaiga,
& Information Technology : Faamatalaga ma Fesootaiga

Vavave Faaneionapo

Other Responsibilities

Isi Matafaioi

Samoa Broadcasting Corp : Faalapotopotoga o Faasalalauga

Samoa Tel : Kamupani Telefoni Samoa Tel

Samoa Post : Samoa Post

10. Hon. Magele Mauiliu

In Charge of: : Matagaluega i lalo o le vaavaaiga

▪ Ministry of Education, Sports : Matagaluega o Aoga, Taaloga ma
And Culture (inclusive of : Aganuu (e aofia ai ma le

NUS, Polytechnic and : Iunivesite o Samoa, Matata

Pre-Schools : Eeseese ma Aoga Amata

▪ Samoa Qualification Authority : Pulega o Faailoga ma Tusipasi
Taualoa

Other Responsibilities

Isi Matafaioi

Museum and Archives : Mataaga ma Faamaumauga

11. Hon. Fiame Naomi Mataafa

In Charge of: : Matagaluega i lalo o le vaavaaiga

▪ Ministry of Justice and : Matagaluega o Faamasinoga ma
Courts Administration : Pulega Tau Faamasinoga

Other Responsibilities

Isi Matafaioi

Film Censorship : Iloiloina o Ata Tifaga
Electoral Commission : Komisi o Faiga Palota

12. Hon. Le Mamea Ropati

In Charge of: : Matagaluega i lalo o le vaavaaiga

- Ministry of Agriculture : Matagaluega o Faatoaga
- Agriculture Store Corporation : Faleoloa o Faatoaga

Other Responsibilities

Isi Matafaioi

Fisheries and Agriculture : Faigafaiva ma Faatoaga

13. Hon. Faumuina Tiatia Liuga

In Charge of: : Matagaluega i lalo o le vaavaaiga

- Ministry of Finance : Matagaluega o Tupe
- National Provident Fund : Faalapotopotoga NPF
- Housing Corporation : Faalapotopotoga Mea Tau Fale
- Accident Compensation Corp. : Faalapotopotoga o Tau mo Faalavelave Faafuasei

Other Responsibilities

Isi Matafaioi

Financial Institutions : Faalapotopotoga Mea Tau Tupe
Tenders Board : Komiti o Tauofoga
Revenue Board : Komiti o Tupe Maua
Offshore Jurisdiction : Teugatupe mai fafo
Registry of Births/Deaths/Marriages : Faamaumauga o Tagata Fananau/
Maliliu/Faaipoipoga
Cabinet Development Committee : Komiti Atinae a le Kapeneta

PRESS SECRETARIAT